

গণপ্রজাতন্ত্রী বাংলাদেশ সরকার
তথ্য অধিদফতর
বাংলাদেশ সচিবালয়
ঢাকা

সংবাদ গতিধারা

ঢাকা, বুধবার ১৯ অক্টোবর ২০১৬, ৪ কার্তিক ১৪২৩

আজকের দৈনিক পত্রিকাগুলো নিম্নলিখিত বিষয়গুলোকে প্রাধান্য দিয়ে খবর ছেপেছে :

- ১। শিশুদের জ্ঞান-প্রযুক্তি সম্পন্ন মানুষ হিসেবে গড়ে তুলতে হবে
: শহিদ শেখ রাসেলের জন্মবার্ষিকী অনুষ্ঠানে প্রধানমন্ত্রী
- ২। প্রধানমন্ত্রীর উন্নয়ন কর্মসূচির প্রতি পূর্ণ আস্থা প্রকাশ বিশ্বব্যাংক প্রেসিডেন্টের
- ৩। ক্ষুধা-দারিদ্র্যমুক্ত সমাজ গড়ার অঙ্গীকার নিয়েই দলের সম্মেলন অনুষ্ঠিত হবে : প্রধানমন্ত্রী
- ৪। মাদক ও জঙ্গিবাদের বিরুদ্ধে সামাজিক আন্দোলন গড়ে তুলুন : স্কাউটদের প্রতি রাষ্ট্রপতি
- ৫। বাংলাদেশের জলবায়ু পরিবর্তনের প্রভাব মোকাবেলায় ২০০ কোটি ডলার দেবে বিশ্বব্যাংক
- ৬। রিজার্ভের টাকা ঋণ নিয়ে বড় প্রকল্পে বিনিয়োগ করবে সরকার : অর্থমন্ত্রী
রেমিট্যান্স অ্যাওয়ার্ড পেল ৩১ প্রবাসী বাংলাদেশি ও ৪ এক্সচেঞ্জ হাউস
- ৭। জ্ঞান বিজ্ঞান চর্চায় মুসলিম দেশসমূহের মধ্যে সহযোগিতার আহ্বান শিক্ষামন্ত্রীর
- ৮। ১০ টাকার চাল বিতরণে অনিয়মের অভিযোগে ৪৪ জনের ডিলারশিপ বাতিল
- ৯। আইসিটি সেক্টরে বাংলাদেশ এখন সারা বিশ্বে উদাহরণ : প্রধানমন্ত্রীর তথ্যপ্রযুক্তি বিষয়ক উপদেষ্টা
- ১০। দেশের সবচেয়ে বড় তথ্যপ্রযুক্তি মেলা 'ডিজিটাল ওয়ার্ল্ড-২০১৬' শুরু হচ্ছে আজ
- ১১। আগামী ২২ অক্টোবর শিক্ষার্থীদের ই-টোকেন ছাড়াই
ভিসা আবেদন জমা নেবে ভারতীয় হাইকমিশন

১। শিশুদের জ্ঞান-প্রযুক্তি সম্পন্ন মানুষ হিসেবে গড়ে তুলতে হবে
: শহিদ শেখ রাসেলের জন্মবার্ষিকী অনুষ্ঠানে প্রধানমন্ত্রী

প্রধানমন্ত্রী শেখ হাসিনা বিশ্বের সাথে তাল মিলিয়ে চলতে আধুনিক জ্ঞান-প্রযুক্তি সম্পন্ন মানুষ হিসেবে নিজেদের গড়ে তুলতে শিশুদের প্রতি আহ্বান জানিয়েছেন। তিনি বলেছেন, পঁচাত্তরের ঘাতকের দল জাতির পিতা বঙ্গবন্ধু ও ছোট্ট শিশু শেখ রাসেলকে হত্যা করে বাঙালি জাতির সব অর্জন নস্যাৎ করে দিতে চেয়েছিল। কিন্তু তারা তা পারেনি। অন্ধকার যুগ থেকে আমরা আলোর পথে যাত্রা শুরু করেছি। শিশু-কিশোরদের মনযোগ দিয়ে লেখাপড়া শিখে নিজেদের যোগ্য নাগরিক হিসেবে গড়ে তুলে দেশ ও জাতির জন্য যেকোনো ত্যাগ স্বীকারে প্রস্তুত থাকার আহ্বান জানান তিনি। গতকাল ১৮ অক্টোবর মঙ্গলবার জাতির পিতা বঙ্গবন্ধু শেখ মুজিবুর রহমানের কনিষ্ঠ পুত্র শেখ রাসেলের ৫২তম জন্মদিন উপলক্ষে রাজধানীর কৃষিবিদ ইনস্টিটিউশন মিলনায়তনে শহিদ শেখ রাসেল জাতীয় শিশু-কিশোর পরিষদ আয়োজিত আলোচনা সভা ও পুরস্কার বিতরণী অনুষ্ঠানে প্রধান অতিথির বক্তৃতায় প্রধানমন্ত্রী এ কথা বলেন। সূত্র-ইত্তেফাক (পৃ.১,ক.৫), জনকণ্ঠ (পৃ.১,ক.৩), নিউজ টুডে (শেষ পৃ.,ক.২), ডেইলি সান (শেষ পৃ.,ক.১), বাংলাদেশ টুডে এ বিষয়ে লিড নিউজ ছেপেছে।

সংবাদ, ইত্তেফাক, যুগান্তর, জনকণ্ঠ, বাংলাদেশ টুডে, নিউজ টুডে, অবজারভারসহ অধিকাংশ পত্রিকা এ বিষয়ে ছবিসহ খবর ছেপেছে।

২। প্রধানমন্ত্রীর উন্নয়ন কর্মসূচির প্রতি পূর্ণ আস্থা প্রকাশ বিশ্বব্যাংক প্রেসিডেন্টের

বাংলাদেশে প্রধানমন্ত্রী শেখ হাসিনার সরকারের উন্নয়ন কর্মসূচির প্রতি পূর্ণ আস্থা প্রকাশ করেছেন সফররত বিশ্বব্যাংকের প্রেসিডেন্ট জিম ইয়ং কিম। প্রধানমন্ত্রীর সরকারি বাসভবন গণভবনে গতকাল ১৮ অক্টোবর মঙ্গলবার প্রধানমন্ত্রী শেখ হাসিনার সঙ্গে এক সাক্ষাৎকালে বিশ্বব্যাংকের প্রেসিডেন্ট এ আস্থা প্রকাশ করেন। বৈঠক শেষে প্রধানমন্ত্রীর প্রেস সচিব ইহসানুল করিম এ বিষয়ে অবহিত করেন। সূত্র-সংবাদ (পৃ.১,ক.৪), ইনকিলাব (পৃ.১,ক.৫), ডেইলি সান (পৃ.১,ক.১), নিউজ টুডে (পৃ.১,ক.৪), নিউজ টুডে, ডেইলি সান, অবজারভার, ইন্ডিপেনডেন্টসহ অধিকাংশ পত্রিকা এ বিষয়ে ছবিসহ খবর ছেপেছে।

৩। ক্ষুধা-দারিদ্র্যমুক্ত সমাজ গড়ার অঙ্গীকার নিয়েই দলের সম্মেলন অনুষ্ঠিত হবে : প্রধানমন্ত্রী

প্রধানমন্ত্রী শেখ হাসিনা বলেছেন, আমরা তৃণমূলে সম্মেলন করে এসেছি। সামনে আওয়ামী লীগের কেন্দ্রীয় সম্মেলন। ক্ষুধা ও দারিদ্র্যমুক্ত সমাজ গড়ার অঙ্গীকার নিয়েই এবার আওয়ামী লীগের জাতীয় সম্মেলন অনুষ্ঠিত হতে যাচ্ছে। আমরা সম্মেলন সফলভাবে করবো এবং এর মাধ্যমে দলে নতুন নেতৃত্ব বেরিয়ে আসবে। সম্মেলনের মধ্য দিয়ে দলকে আরো শক্তিশালী ও বেগবান করতে চাই। উপমহাদেশের প্রাচীন ও ঐতিহ্যবাহী রাজনৈতিক দল আওয়ামী লীগের ২০তম জাতীয় সম্মেলনের সর্বশেষ অগ্রগতি জানতে গতকাল ১৮ অক্টোবর মঙ্গলবার রাতে গণভবনে ১১টি উপ-কমিটির আহ্বায়ক ও সদস্য সচিবদের সঙ্গে এক যৌথসভায় অংশ নেন প্রধানমন্ত্রী। সূত্র-ইত্তেফাক (পৃ.১৯,ক.১), জনকণ্ঠ (পৃ.১,ক.১), ডেইলি সান (পৃ.১,ক.৮), অবজারভার (পৃ.১,ক.৪)।

৪। মাদক ও জঙ্গিবাদের বিরুদ্ধে সামাজিক আন্দোলন গড়ে তুলুন : স্কাউটদের প্রতি রত্নপতি

রত্নপতি মো. আবদুল হামিদ সবাইকে বিশেষ করে স্কাউটদের মাদকের অপব্যবহার ও জঙ্গিবাদের বিরুদ্ধে সামাজিক আন্দোলন গড়ে তোলার আহ্বান জানিয়েছেন। গতকাল ১৮ অক্টোবর মঙ্গলবার ওসমানী স্মৃতি মিলনায়তনে বাংলাদেশ স্কাউটসের জাতীয় কাউন্সিলের ৪৫তম বার্ষিক সাধারণ সভার উদ্বোধন অনুষ্ঠানে প্রধান অতিথির বক্তৃতাকালে তিনি এ আহ্বান জানান। তিনি স্কাউটদের কল্যাণমূলক কর্মকাণ্ড বাড়ানোর ওপর গুরুত্বারোপ করে বলেন, তরুণ সমাজকে দেশের যোগ্য নাগরিক হিসেবে গড়ে তোলার জন্য স্কাউটিং একটি যথাযথ প্ল্যাটফর্ম। সূত্র-সমকাল (পৃ.১৯,ক.৬), প্রথম আলো (পৃ.২,ক.৮), নিউজ টুডে (পৃ.৩,ক.২), ইন্ডিপেনডেন্ট (পৃ.৩,ক.৩)।

৫। বাংলাদেশের জলবায়ু পরিবর্তনের প্রভাব মোকাবেলায় ২০০ কোটি ডলার দেবে বিশ্বব্যাংক

বাংলাদেশের জলবায়ু পরিবর্তনের প্রভাব মোকাবেলায় ২০০ কোটি ডলার বা ২ বিলিয়ন ডলার সহায়তা দেওয়ার প্রতিশ্রুতি দিয়েছে বিশ্বব্যাংক। বাংলাদেশি মুদ্রায় বর্তমানে প্রায় ১৬ হাজার কোটি টাকা। আগামী তিন বছরে

এ অর্থ দেওয়া হবে। বাংলাদেশে দুই দিনের সফর শেষে গতকাল ১৮ অক্টোবর মঙ্গলবার বিশ্বব্যাংকের ঢাকা অফিসে এক সংবাদ সম্মেলনে এ প্রতিশ্রুতির ঘোষণা দিয়েছেন বিশ্বব্যাংকের প্রেসিডেন্ট জিম ইয়ং কিম। সূত্র-সমকাল (পৃ.১,ক.৬), নিউজ টুডে (পৃ.১,ক.১), ডেইলি সান (পৃ.১,ক.২)। জনকণ্ঠ, ভোরের কাগজ, ইনকিলাব, প্রথম আলো, অবজারভার এ বিষয়ে লিড নিউজ ছেপেছে।

৬। **রিজার্ভের টাকা ঋণ নিয়ে বড় প্রকল্পে বিনিয়োগ করবে সরকার : অর্থমন্ত্রী**
রেমিট্যান্স অ্যাওয়ার্ড পেল ৩১ প্রবাসী বাংলাদেশি ও ৪ এক্সচেঞ্জ হাউস

রিজার্ভের অর্থ ঋণ নিয়ে সরকার বিভিন্ন মেগা প্রকল্পে বিনিয়োগ করবে জানিয়ে অর্থমন্ত্রী আবুল মাল আবদুল মুহিত বলেছেন, আগামী অর্থবছরের বাজেটে এ বিষয়ে সুনির্দিষ্ট দিক-নির্দেশনা থাকবে। আগামী বছর মোট দেশজ উৎপাদনের (জিডিপি) প্রবৃদ্ধির যে লক্ষ্যমাত্রা ধরা হয়েছে তা অর্জন হবেই। আমরা ৭ দশমিক ২ শতাংশ প্রবৃদ্ধিতে যাব নিশ্চিত। গতকাল ১৮ অক্টোবর মঙ্গলবার ‘বাংলাদেশ ব্যাংক রেমিট্যান্স অ্যাওয়ার্ড-২০১৫’ প্রদান অনুষ্ঠানে প্রধান অতিথির বক্তব্যে তিনি এসব কথা বলেন। অনুষ্ঠানে শীর্ষ রেমিট্যান্স পাঠানো ৩১ প্রবাসী বাংলাদেশি এবং ৪টি অনাবাসী বাংলাদেশি মালিকানাধীন এক্সচেঞ্জ হাউসকে রেমিট্যান্স অ্যাওয়ার্ড দেয়া হয়। সূত্র-ভোরের কাগজ (শেষ পৃ.,ক.২), জনকণ্ঠ (পৃ.১৮,ক.১), যুগান্তর (পৃ.১,ক.১), নিউজ টুডে (পৃ.১,ক.৫), অবজারভার (পৃ.১,ক.৪)।

৭। **জ্ঞান বিজ্ঞান চর্চায় মুসলিম দেশসমূহের মধ্যে সহযোগিতার আহ্বান শিক্ষামন্ত্রীর**

ওআইসির সদস্য দেশসমূহের মধ্যে শিক্ষা, বিজ্ঞান-প্রযুক্তি ও গবেষণা ক্ষেত্রে কার্যকর সহযোগিতার আহ্বান জানিয়েছেন শিক্ষামন্ত্রী নূরুল ইসলাম নাহিদ। শিক্ষামন্ত্রী গতকাল ১৮ অক্টোবর মঙ্গলবার উজবেকিস্তানের রাজধানী তাসখন্দে ওআইসির পররাষ্ট্রমন্ত্রীদের ৪৩তম সম্মেলনের পূর্ণাঙ্গ অধিবেশনের ভাষণে এ আহ্বান জানান। ওআইসির দেশসমূহের পররাষ্ট্রমন্ত্রীর সম্মেলনে উপস্থিত ছিলেন। গতকাল ১৮ অক্টোবর মঙ্গলবার এই সম্মেলনের উদ্বোধন করেন উজবেকিস্তানের অস্থায়ী প্রেসিডেন্ট সাবকাতমিরজিউয়েভ। সূত্র-সংবাদ (পৃ.৪,ক.৭), জনকণ্ঠ (পৃ.২,ক.৪), ডেইলি সান (পৃ.৩,ক.২), বাংলাদেশ টুডে (শেষ পৃ.,ক.৭)।

৮। **১০ টাকার চাল বিতরণে অনিয়মের অভিযোগে ৪৪ জনের ডিলারশিপ বাতিল**

খাদ্যমন্ত্রী কামরুল ইসলাম বলেছেন, হতদরিদ্রদের ১০ টাকা দরে চাল বিতরণ কর্মসূচিতে অনিয়ম-দুর্নীতির অভিযোগে জনপ্রতিনিধিসহ সংশ্লিষ্টদের বিরুদ্ধে ১১টি ফৌজদারি মামলা ও ৬ জনকে গ্রেফতার করা হয়েছে। এ ছাড়া ৪৪ জনের ডিলারশিপ বাতিল, চালের ওজনে কম দেওয়ায় ৯ ডিলারকে জরিমানা ও অভিযুক্ত খাদ্য কর্মকর্তাদের বদলি করা হয়েছে। গতকাল ১৮ অক্টোবর মঙ্গলবার দুপুরে সচিবালয়ে খাদ্য মন্ত্রণালয়ের সম্মেলন কক্ষে সংবাদ সম্মেলনে এসব কথা জানান খাদ্যমন্ত্রী। তিনি বলেন, দুর্নীতিবাজ ডিলারদের বিরুদ্ধে ব্যবস্থা গ্রহণ করা হবে, তারা যে দলেরই হোক না কেন। অনিয়মে জড়িত কাউকেই ছাড় দেওয়া হবে না। সূত্র-সমকাল (পৃ.১,ক.৫), জনকণ্ঠ (পৃ.১,ক.১), নিউজ টুডে (শেষ পৃ.,ক.৫), বাংলাদেশ টুডে (পৃ.২,ক.৫)।

৯। **আইসিটি সেক্টরে বাংলাদেশ এখন সারা বিশ্বে উদাহরণ : প্রধানমন্ত্রীর তথ্যপ্রযুক্তি বিষয়ক উপদেষ্টা**

তথ্যপ্রযুক্তি খাতে বাংলাদেশ এখন সারা বিশ্বের সামনে একটি উদাহরণ বলে মন্তব্য করেছেন প্রধানমন্ত্রী শেখ হাসিনার তথ্যপ্রযুক্তি বিষয়ক উপদেষ্টা সজীব ওয়াজেদ জয়। তিনি বলেন, আমার জানা মতে, পৃথিবীতে আর কোনো দেশ নেই, এত অল্প সময়ের মধ্যে একটা দরিদ্র দেশ, নিজেদের অর্থায়নে এভাবে নিজেদের ডিজিটলাইজ করেছে। একমাত্র বাংলাদেশ তা পেরেছে। এই কারণে এখন বাংলাদেশ সারা বিশ্বের সামনে একটি উদাহরণ হিসেবে এবং বিশেষজ্ঞ হিসেবে দাঁড়িয়েছে। এখন জাতিসংঘ আমাদের কাছ থেকে অভিমত চায় যে, অন্যান্য দরিদ্র দেশ কিভাবে ডিজিটলাইজেশন করতে পারে। গতকাল ১৮ অক্টোবর মঙ্গলবার রাজধানীর একটি হোটেলে তথ্য ও যোগাযোগ প্রযুক্তি বিভাগের পক্ষে আয়োজিত এক সংবর্ধনা অনুষ্ঠানে তিনি এসব কথা বলেন। তথ্য প্রযুক্তি খাতে অসামান্য উন্নতির জন্য ‘আইসিটি ফর ডেভেলপমেন্ট অ্যাওয়ার্ড-২০১৬’ পুরস্কার অর্জনের জন্য প্রধানমন্ত্রীর তথ্যপ্রযুক্তি বিষয়ক উপদেষ্টা সজীব ওয়াজেদ জয়কে জমকালো অনুষ্ঠানের মাধ্যমে সংবর্ধনা দেওয়া হয়। সূত্র-যুগান্তর (পৃ.২,ক.২), ইনকিলাব (শেষ পৃ.,ক.৬), সমকাল (পৃ.১৯,ক.১), অবজারভার (পৃ.৩,ক.২)।

১০। দেশের সবচেয়ে বড় তথ্যপ্রযুক্তি মেলা ‘ডিজিটাল ওয়ার্ল্ড-২০১৬’ শুরু হচ্ছে আজ

দেশের সবচেয়ে বড় তথ্যপ্রযুক্তি মেলা ‘ডিজিটাল ওয়ার্ল্ড-২০১৬’ শুরু হচ্ছে আজ। চলবে ২১ অক্টোবর পর্যন্ত। মেলার উদ্বোধন করবেন প্রধানমন্ত্রী শেখ হাসিনা। এবারের মেলা শুরু হচ্ছে ‘নন স্টপ বাংলাদেশ’ স্লোগান নিয়ে। মেলায় সর্বাধিক সংখ্যক বিদেশি তথ্যপ্রযুক্তিবিদ উপস্থিত থাকবেন। এবারের মেলায় ৪ লাখের বেশি দর্শক উপস্থিত থাকবে বলে আয়োজক সংস্থা তথ্যপ্রযুক্তি বিভাগ জানিয়েছে। আজ ১৯ অক্টোবর বুধবার প্রযুক্তি ক্ষেত্রে দেশের সাফল্য ও অগ্রযাত্রার চিত্র উঠে আসবে রাজধানীর ইন্টারন্যাশনাল কনভেনশন সিটি বসুন্ধরায় আয়োজিত ‘ডিজিটাল ওয়ার্ল্ড-২০১৬’ মেলায়। সূত্র-জনকণ্ঠ (শেষ পৃ.,ক.৪), সমকাল (পৃ.৩,ক.৫), ডেইলি সান (শেষ পৃ.,ক.১), বাংলাদেশ টুডে (পৃ.৩,ক.৫)।

১১। আগামী ২২ অক্টোবর শিক্ষার্থীদের ই-টোকেন ছাড়াই ভিসা আবেদন জমা নেবে ভারতীয় হাইকমিশন

ভারতে যেতে অগ্রহী বাংলাদেশী শিক্ষার্থীদের ই-টোকেন ছাড়াই ভিসা আবেদন জমা নেবে ভারতীয় হাইকমিশন। আগামী ২২ অক্টোবর শনিবার রাজধানীর গুলশানে ভিসা সেন্টারে ভ্রমণ ভিসার জন্য আবেদন জমা দিতে পারবেন শিক্ষার্থীরা। ১৮ কিংবা এর বেশি বয়সী কলেজ ও বিশ্ববিদ্যালয় পড়ুয়া শিক্ষার্থীরা ওইদিন সকাল ৯টা থেকে দুপুর ১টা পর্যন্ত এ প্রক্রিয়ায় ভিসা আবেদন জমা দিতে পারবেন। গতকাল ১৮ অক্টোবর মঙ্গলবার ভারতীয় হাইকমিশন থেকে এক বিজ্ঞপ্তিতে এ তথ্য জানানো হয়েছে। সূত্র-জনকণ্ঠ (পৃ.২,ক.৫), সংবাদ (পৃ.২,ক.৮), নিউজ টুডে (পৃ.২,ক.২), ডেইলি সান (পৃ.২,ক.২)।

সম্পাদকীয়

- ক. সমকাল, যুগান্তর, ইনকিলাব, ডেইলি স্টার, নিউজ টুডে : দারিদ্র্য বিমোচনে বাংলাদেশের সাফল্য বিশ্ববাসীকে আশাবাদী করেছে বলে ঢাকা সফরে এসে বিশ্বব্যাংকের প্রেসিডেন্ট যে মন্তব্য করেছেন তার পরিপ্রেক্ষিতে দারিদ্র্য বিমোচনে বিশ্বব্যাংকের বহুমাত্রিক সহযোগিতা অব্যাহত থাকার প্রত্যাশা।
- খ. সংবাদ, যুগান্তর : বাংলাদেশের দুর্নীতি সম্পর্কে ট্রান্সপারেন্সি ইন্টারন্যাশনালের (টি আই) চেয়ারপারসনের বক্তব্যকে আমলে নিয়ে দুদকের বর্তমান চেয়ারম্যানকে দুর্নীতির রাঘব বোয়ালদের বিরুদ্ধে ব্যবস্থা নেওয়ার সুপারিশ।
- গ. ইণ্ডোফাক : প্লাস্টিক বর্জ্যের দূষণজনিত ঝুঁকি হ্রাসে এসব বর্জ্যের রিসাইক্লিং বা পুনর্ব্যবহার পরিধি সম্প্রসারণ করাসহ পরিবেশসম্মত সবুজ অর্থনীতির প্রত্যাশা ব্যক্ত।
- ঘ. জনকণ্ঠ, সংবাদ : মোবাইল ফোনের কারণে রেলক্রসিংয়ে মৃত্যুর ঘটনা বাড়ায় দুর্ঘটনা প্রতিরোধে রেললাইন জুড়ে সতর্কতামূলক বিজ্ঞপ্তি দেওয়াসহ আইনের কঠোর প্রয়োগ ও জনসচেতনতা বাড়ানোর ব্যবস্থা নেওয়ার সুপারিশ।
- ঙ. প্রথম আলো : ঘাতক অসংক্রামক রোগ প্রতিরোধে সরকার ও স্বাস্থ্যবিষয়ক নীতি নির্ধারকদের বাস্তবতা বিবেচনায় নিয়ে স্বাস্থ্যসেবাকে চেলে সাজানোর সুপারিশ।
- চ. ইন্ডিপেন্ডেন্ট : হাজারীবাগের ট্যানারিশিল্প সাভারের শিল্পনগরীতে স্থানান্তরে আর সময় না দেওয়ার সুপারিশ।
- ছ. ডেইলি সান : নাগরিক হয়রানি বন্ধে মোবাইল ফোনের ভূয়া কলের ব্যাপারে বিটিআরসিকে দায়ীদের বিরুদ্ধে কঠোর কার্যকর ব্যবস্থা নেওয়ার আহ্বান।
- জ. ডেইলি স্টার : প্রবাসী বাংলাদেশি কর্মীদের এক তৃতীয়াংশ অবৈধ পন্থায় বিদেশ পাড়ি দেওয়ার পরিপ্রেক্ষিতে কর্তৃপক্ষকে একটি কার্যকর রিক্রটিং সিস্টেম গড়ে তোলার সুপারিশ।
- ঝ. অবজারভার : সরকারি-বেসরকারি বিশ্ববিদ্যালয়ে শিক্ষার মান বাড়াতে মন্ত্রিসভার অনুমোদিত নতুন শিক্ষানীতি ভাল ফলাফল বলে আনবে বলে প্রত্যাশা করে সম্পাদকীয় প্রকাশ করেছে।

উপ-সম্পাদকীয়

যুগান্তর পত্রিকায় প্রকাশিত কলামে বাংলাদেশের উন্নয়ন অগ্রগতিতে পাশে থাকার যে অঙ্গীকার চীন করেছে, তাতে সম্ভাবনার নতুন দিগন্ত উন্মোচিত হয়েছে বলে উল্লেখ করা হয়েছে।

নিবন্ধ ও ফিচার

সংবাদ পত্রিকায় প্রকাশিত ‘খাদ্যবন্ধব কর্মসূচি বাস্তবায়ন’ শিরোনামের নিবন্ধে ড. মিহির কুমার রায় সামাজিক অঙ্গনে এখন যেসব চ্যালেঞ্জ রয়েছে তার সর্বাঙ্গে রয়েছে দারিদ্র্যমুক্ত ও ক্ষুধামুক্ত বাংলাদেশ গড়া বলে অভিমত প্রকাশ করেছেন।

#

ফারহানা/ শুকলা/মরজিনা/রশীদ/আফরোজা/২০১৬/৯.০০ ঘণ্টা

